

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 39. stav (3) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 119. sjednici, održanoj 27.02.2026. godine, donosi

ODLUKU

o usvajanju Programa utroška sredstava Ministarstva zdravstva na poziciji „Transfer drugim nivoima vlasti“-„Tekući transfer za nabavku vakcina“ - izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transfer drugim nivoima vlasti“, subanalitika LAX001, pozicija „Tekući transfer za nabavku vakcina“ - izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u ukupnom godišnjem iznosu od 130.000,00 KM (slovima: stotinutridesethiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana programom utroška sredstava iz člana 1. ove odluke, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-3885/26

Datum, 27.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava Ministarstva zdravstva na poziciji „Transfer drugim nivoima vlasti“- „Tekući transfer za nabavku vakcina“ - Izvor 10 Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transfer drugim nivoima vlasti“, subanalitika LAX001, pozicija „Tekući transfer za nabavku vakcina“- Izvor 10.

II. SVRHA PROGRAMA

Članom 13. stav 1. tačka 9) i 10) Zakona o zdravstvenoj zaštiti (“Službene novine FBiH”, broj: 46/10 i 75/13) propisano je da društvena briga za zdravlje na nivou Kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevencija bolesti na području kantona i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

JU Institut za zdravlje i sigurnost hrane Zenica, u skladu sa članom 119. stav 2. alineja 9. navedenog Zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području Kantona i provodi protivepidemijske mjere, te nadzire provođenje obaveznih imunizacija.

JU Institut za zdravlje i sigurnost hrane Zenica je sukladno trenutnom epidemiološkom situacijom u Zeničko-dobojskom kantonu Ministarstvu zdravstva dopisom broj: 02-80/26 od 09.01.2026. godine dostavila plan nabavke vakcina za 2026. godinu po količinama i vrstama sa iskazanom procijenjenom vrijednosti.

U dopisu je navedeno da je Plan nabavki urađen na osnovu iskazanih potreba zdravstvenih ustanova i službi primarne zdravstvene zaštite i važećim stručno-epidemiološkim indikacijama.

Imajući u vidu značaj prevencije sezonske gripe i zaštitu najugroženijih kategorija stanovništva, najveći dio sredstava se planira za nabavku vakcine Vaxigrip, kao ključne javnozdravstvene mjere u predstojećoj sezoni.

Uvrštavanje vakcine protiv pneumokoka i vakcine protiv meningokoka u planirane nabavke temelji se na identifikovanim potrebama za zaštitom posebno rizičnih i medicinski indikovanih kategorija stanovništva, uključujući osobe sa hroničnim oboljenjima, imunokompromitovane pacijente i druge ciljne grupe kod kojih postoji povećan rizik od teških oblika invazivnih bakterijskih infekcija,

III. VISINA SREDSTAVA

Sredstava utvrđena ovim programom iznose na godišnjem nivou 130.000,00 KM (slovima: stotinu trideset hiljada konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (Izvor 10) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transfer drugim nivoima vlasti“, subanalitika LAX001, pozicija „Tekući transfer za nabavku vakcina“.

V. KORISNIK SREDSTAVA

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja u skladu sa članom 13. Zakona o zdravstvenoj zaštiti provodi mjere zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti i vrši nabavku i distribuciju vakcina.

VI. KRITERIJ ZA RASPODJELU SREDSTAVA

Kriterij za raspodjelu sredstava je zahtjev JU Institut za zdravlje i sigurnost hrane Zenica koji je dopisom broj: 02-80/26 od 09.01.2026. godine dostavljen Ministarstvu zdravstva, u kome su u skladu sa epidemiološkom situacijom, navedene količine i vrijednosti vakcina koje će biti predmet nabavke u 2026. godini.

Planom nabavki vakcina u 2026. godini sredstva su planirana za nabavku:

1. vakcina protiv sezonske gripe VAXIGRIP u vrijednosti 89.015,00 KM.
2. vakcina protiv bjesnila VERORAB u vrijednosti 31.240,00 KM,
3. vakcina protiv pneumokoka Prevenar u vrijednosti 5.690,00 KM i
4. vakcina protiv meningokoka grupe A, C, W-135 i Y, konjugirano Nimenrix vakcina u vrijednosti 4.055,00 KM.

Vakcine nabavlja JU Institut za zdravlje i sigurnost hrane Zenica u skladu sa Zakonom o javnim nabavkama.

Transferisanje sredstava JU Institut za zdravlje i sigurnost hrane Zenica vršit će se po okončanju procedure javne nabavke, u skladu sa zaključenim ugovorom o nabavci, fakturama dobavljača i u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog programa zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

VII. IZVJEŠTAVANJE KORISNIKA

JU Institut za zdravlje i sigurnost hrane Zenica dužna je izvjestiti Ministarstvo zdravstva o namjenskom utrošku sredstava na način kako će biti utvrđeno odlukom o odobravanju sredstava uz obavezno navođenje postignutih učinaka dodjeljenih sredstava sa prezentiranim mjerljivim pokazateljima (indikatorima).

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog

kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-3885/26

Datum, 27.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.